

北洋官報

目錄

宮門抄

奏請○外務部奏擬定赴美學生辦法摺△度支部奏整頓各省稅契摺△江督端奏建設模範監獄摺△又奏籌辦工科大學摺
公牘○督憲札三件△冀州稟一件
文告五則△電報八則△新聞十三則
彙編○中瑞通商條約
圖書○蔚州馬伸橋公立第一初等小學堂

本局第一百五期
本報今日加印
法政學報已出
一片一頁

宮門抄

六月初五日 吏部 翰林院 廂黃旗值日 宗人府引 見七名 吏部引 見二十六名 法部引

見四名 提督衙門引 見二名 正白漢引 見二名 廂白滿引 見六名 正藍蒙引

見四名 兩翼引 見十五名 頤和園引 見二名 植公假滿請 安 慶王因伊子振貝子

在 內廷行走謝 恩 振貝子謝在 內廷行走 恩 喀拉沁王謝 賞廩餼 恩 福海

崇山 明喜 奎兆伺候 召見 召見軍機 福海 崇山 明喜 奎兆 軍諮處遞封奏一件

奏議錄要

外務部會奏遣派學生赴美擬定辦法大綱摺

奏爲收還美國賠款遣派學生赴美謹擬辦法大綱恭摺具陳仰祈

聖鑒事竊查光緒三十四年六月二十二

日外務部奏稱美國減收賠款經與駐京美使商定自撥還賠款之年起初四年每年遣派學生約一百名赴美游學自第五年起每年至少續派五十名其挑選學生及到美安插送學等事俟商定章程另行知照美政府贊襄一切彼此互換照會聲明以爲議定之據等語此項賠款業於宣統元年正月起按照議定減收數目逐月攤還在彼既已實行則選派學生一事在我自應舉辦以昭大信惟是此次遣派游學非第酬答與國之情實兼推廣育材之計造端必期宏大始足動寰宇之觀瞻規畫必極精詳庶可收樹人之功效臣等公同商酌擬在京師設立游美學務處由外務部學部派員管理綜司考選學生遣送出洋調查稽核一切事宜並附設肄業館一所選取學生入館試驗擇其學行優美資性純篤者隨時送往美國肄業以十分之八習農工商礦等科以十分之二習法政理財師範諸學所有在美收支學費稽察功課約束生徒照料起居事務極爲繁重擬專派監督辦理至於學生名額自應按照各省賠款數目分勻攤給以示平允其滿洲蒙古漢軍旗籍以及東三省內外蒙古西藏亦應酌給名額以昭公溥謹將籌擬辦法大綱開列清單進呈

御覽恭俟

命下卽由臣等遵照分別辦理其餘詳細章程應督

同學務處人員隨時核擬施行所有收還美國賠款遣派學生赴美緣由謹合詞恭摺具陳伏乞

皇上聖鑒訓示再此摺係外務部主稿會同學部辦理合併聲明謹 奏宣統元年五月二十三日奉

硃批依

議欽此

謹擬遣派游學學生辦法大綱開列清單恭呈

御覽

一設游美學務處由外務部學部會派辦事人員專司

考選學生管理肄業館遣送學生及至駐美監督通信等事並與美國公使所派人員商榷一切 一設肄業館在京城外擇清曠地方建肄業館一所(約容學生二百名其中辦事室講舍書庫操場教習學生等居室均備)延用美國高等初級各科教育所有辦法均照美國學堂以便學生熟悉課程到美入學可無扞格此館專爲已經選取

各省學生暫留學習以便考察品學而設(詳細章程另擬) 一考選學生各條所取學生擬分兩格第一格年在二十以下國文通達英文及科學程度可入美國大學或專門學第二格年在十五以下國文通達姿稟特異以上二項均須身體強壯性情純正相貌完全身家清白始為合格每年擬取第一格學生一百名除由外務部在京招考外並分咨各省提學使在各該省招考錄取合格學生不拘額數咨送外務部學部覆考選取實在合格者送入肄業館學習或數月或一年再行由館甄別擬取第二格學生二百名凡二十二行省民籍滿蒙漢旗人及內外蒙古西藏等處參照省分大小賠款多寡以及有無賠款斟酌稟益定為額數由學部行知各省提學使各按單開定額選取送京入肄業館學習或數月或一年再行由館甄別辦法係將考試分數及平日分數合計甄別之後於兩格學生內各選五十名送赴美國留學其不入選之生仍留館肄業所有各省提學使咨送入館之第二格學生如查有年歲不符及學行不純者咨回本省其往來川費責令該提學使賠繳本年應派學生為時已迫擬電行各省選取合格學生各若干名尅期送部考試擇尤送往美國仍一面在京招考派送 一律貼在美自費生經費如有盈餘每生酌撥若干為獎賞自費學生之用至多者每年約五百美金至少者一百美金此項學生須由駐美出使大臣或部派駐美留學監督查照確係在大學正班肄習實業已入第二年班以上功課實有成績景况實在困苦者方為合格至於獎金多少亦按照景况功課酌定 一專設駐美監督在美學生人數衆多安置學校照料起居稽查功課收支學費等事自必異常繁重應設監督管理選品學才望足資矜式之員派充駐美學生監督准其調用漢洋文書記支應員各一人幫同辦理

度支部奏整頓各省田房稅契抵補洋土藥稅釐摺

奏為整頓各省田房稅契酌提加收之款抵補洋土藥稅釐謹擬章程繕具清單恭摺仰祈 聖鑒事竊維禁煙實行以來臣部請以鹽斤加價暨舉辦印花稅兩項抵補洋土藥稅釐短絀之款均經先後奏明在案本年二月二十四日內閣奉 上諭洋土藥稅釐關係軍餉大宗近據度支部奏請酌加各省鹽價以為抵補之策當經允行惟鹽斤加價合計不過四五百萬兩不敷尚多其抵補稅釐一事責之度支部悉心擘畫此時籌款誠艱要當權其利害輕重多方籌集迅速舉行各省督撫如有抵補良策亦著奏陳備采等因欽此欽遵抄出到部臣等伏查前項

稅釐爲數甚鉅鹽斤加價一項不敷尙多既在 聖明洞鑒之中印花稅甫經舉辦一時亦難集成鉅款自應恪遵 諭旨多方籌集以爲抵補之計第此際財力支絀苦無長策惟各省田房稅契一事現在亟須整頓尙屬有益於國無損於民爲籌款之一法查例載置買田地房屋價銀每兩納稅三分各省遵行已久近數年來因洋款之增加與新政之迭舉各該督撫紛紛奏請於是買契之稅有加至四分五釐者五分者六分六釐者典契之稅有按買稅減半者亦有與買稅一律者收數既不畫一辦法又復紛歧現當清理財政之時稅契一項未便任令各省自爲風氣此其亟須整頓者也且此項稅收究係取之多財有力之家與貧民生計無礙不妨酌量加多定爲通行之稅則查湖北省於本年二月間援照四川章程從其多數奏明買價一兩收稅九分湖南省於本年正月間奏明典當田房收稅六分經臣部核覆行知各在案茲擬釐定稅則凡各省買契無論旗籍民籍一律徵稅九分典契一律徵稅六分其前由此項稅收內支用之款應卽如數劃還各省並准於加收項下扣提一成以爲辦公經費此外儘數存儲聽候部撥專爲抵洋土藥稅釐之用議者謂事屬加徵恐係害多利少殊不知力能興買產業者必不吝此區區之費且無典買之事官吏卽無從過問是於輿情爲不擾各省若實力奉行辦理得宜亦可積成鉅款是於公帑爲有益臣等再三籌畫尙屬可行謹擬章程二十條另繕清單恭呈 御覽如蒙 俞允卽由臣部行知各省將軍督撫都統左右翼順天府遵照惟臣部所擬章程不過舉其綱要仍應由各督撫察酌該省情形轉飭所屬妥慎辦理務期款集而民不擾以仰副 朝廷利用厚生之至意所有臣部籌款抵補稅釐各緣由理合恭摺具陳伏乞

皇上聖鑒 奏宣統元年五月十六日奉 旨依議欽此 (章程另錄)

兩江總督端方奏建設江甯省城模範監獄擬定開辦章程摺

奏爲撥款建設江甯省城模範監獄擬定開辦章程恭摺具陳仰祈 聖鑒事竊維周官以圜土聚教罷民而施職事其他言欽恤言哀矜以及明恥弼教之訓悉數難終莫不惻怛肫懇雖下至於罪人猶復冀其變化蓋卽詔獄以寓教養不忍棄民以入獄禁後世教養不施而卹囚之文日詳宋詔獄椽五日一檢視灑掃獄戶洗滌械資飲食病給醫藥法循至今然明代章疏言宜禁獄卒需索嚇詐穢污叢積瘴氣傳染之弊正與今等數百年痼習相

尋由來已久此非徒有司奉行不力抑亦監獄之法未能盡善有以致之奴才奉

命考察政治游歷歐美見

其監獄規模之宏敞房宇之堅潔罪犯之整肅教術之完備直不啻以獄舍爲學堂近年欽奉

諭旨令各省

設罪犯習藝所仰見

聖朝矜恤庶獄化莠爲良之至意欽服莫名查江南擬建此項習藝所經前署督臣周馥

係在江甯省城大石橋地方購買民地五十八畝有奇因費鉅難籌未能修建奴才到任以來疊與司道等籌商以

事關要政未可視爲緩圖擬參仿天津及日本成規核實建造曾於上年二月間奏明飭令各司道於庫存項下無論如何爲難設法籌撥陸續支放應用欽奉

硃批法部知道欽此旋在江安糧道庫籌撥銀十萬兩派員勸

估繪圖鳩工興造監獄一所其中建置日雜居監日要犯分居監日官犯分房監日女監日病監日教誨堂日課室

日工場日提調室日辦公廳日典獄室日待問室日搜檢室日罪人接見室日訊問室日教務所日材料庫日製品

庫日器具庫日糧食庫日囚人携帶物品庫日醫室日藥局日暗室日屍室日看守所日瞭望臺日物品陳列所日

保安水龍室此外庖廡盥浴之處員役居住之房都二百二十餘間約可收留五百餘人牆壁堅高規模完備查省

城習藝所實爲郡縣之領袖允宜首定程式以爲規範宜名爲江南省城模範監獄擬定監獄管理章程凡監獄之

區畫工業之種類習藝之課程工資罪犯之勤惰勸懲衛生醫藥教育之方法與夫一切規則共四十七條又職員

辦事章程十三條派委現任江甯府知府楊鍾義前淮安府知府許星璧充當提調督飭管監各員按照章程卽於

本年五月開辦其開辦經費除購地建屋外現尙須購辦員司兵役器物監房器物工廠器物消防器物至常年經

費如員役薪水衛兵衣糧犯人衣被薦席飲食藥物作爲原料成本以及監獄歲修用項甚夥應仍照案由江安糧

道籌撥銀十萬兩約以萬金內外爲置器之需其餘截數儲存官銀錢局行息卽以息銀充作常年經費如有不敷

再由司庫及財政局庫分認籌撥足數總期力求撙節實用實銷此項監獄幾經籌畫經營始得創辦成立所有管

理各員尤須淬勵精神以善其繼而策其效務使各犯謀生有術薰德有資爭自濯磨進於悔過遷善之域以副

朝廷曲成在宥之仁除咨部查照外理合會同江蘇巡撫臣瑞徵恭摺具陳伏乞

皇上聖鑒謹 奏宣統元年六月初二日奉 硃批該部知道欽此

兩江總督端方江蘇巡撫瑞徵奏籌辦工科大學先置校舍摺

北洋官報

第二千一百三十八册

五

奏爲籌辦工科大学先行購置校舍以立基礎恭摺具陳仰祈 聖鑒事竊據農工商部頭等顧問官翰林院修撰張謇等呈稱竊惟虞廷命共工之官周禮有考工之記歐美各國工列專科日本崛起先圖工業轉換生熟之貨溝通農商之郵合古今之政書證中外之學說未有不致力於工而能國者也我國宮室車服之程日用飲食之器累代因仍概從質樸即有精良之製作難供多數之取求自海禁大開歐風東漸於是捆載鬻至日月相續瑰文麗采奇技神工闐塞都會下逮鄉愚嗜之者無貴無賤歡迎樂用而我之出口但有生貨偶興製作則化學分析而成之資料又無一不購自外洋由是以推工苟不興國終無不貧之期民永無不困之望可以斷言矣苟欲興工必先興學光緒三十三年正月曾經奏請建設南洋大學堂並聲明於各岸准鹽督銷酌提盈餘每年籌的款四五萬兩爲開辦大學堂之豫備等情奏明有案顧大學全備六科科目既煩規模至大言乎建設非百萬不可言乎學額非數千不可言乎秩序非先有中學高等之畢業生不可權衡形勢而先其所至急莫若就上海製造局相近先建工科大學即以已成之中國公學爲高等工學之預備次第經營四五年後即可希成效之發生有完全之工學更三數年後各省熱心從事工業之處得有相助爲理之人不至如今之實業索填冥行難言進步其於國計民生關繫實爲重要等情呈請前來奴才等惟富國之本訓農保商而外莫亟於勸工近年商務疲敗民生困窮尤宜以振興工業爲當務之急查工科大学現經學部奏設荷蒙 恩准仰見 朝廷開物成務爲工學力啓新機惟京師首善既已肇啓宏規而南洋係工商業最盛之區因勢利導似亦應及時建設就南洋之轄境計之廠場機械之富江海交通之利教習易於物色學生便於觀摩莫宜於上海查有上海縣治小南門外前設中國圖書公司自造之西式房屋計三層洋樓共二十八幢二層洋樓共二十幢屋基空地共二十畝情願出售此項房屋均皆工料堅實光綫通明極合校舍之用地尚多將來添設各項應用場廠亦便分布且與上海製造局中國公學距離均不過遠於參觀升學各事諸形利便當經議定價銀十二萬兩由奴才等飭由財政局陸續籌撥其常年經費即於前奏設南洋大學請盈餘鹽款內提充除將開辦工科大学事宜飭司妥爲籌備並分咨度支部學部農工商部查照外所有籌辦工科大学先行購置校舍緣由謹合詞恭摺具陳伏乞 皇上聖鑒訓示謹 奏宣統元年六月初二日奉 硃批該部知道欽此

公牘錄要

督憲那通飭司道禁煙局及各府廳州縣切實禁種文

為通飭事照得鴉片流毒至殷且烈自光緒三十二年奉

旨飭禁以來

朝廷內顧斯民陷溺之深外念

與國贊助之雅再三申儆期於必行

特簡大臣總理斯事明立期限嚴定處分各專責成力求實際直隸地

當三輔向為觀聽所關尤當注意禁煙以慰羣望而洽衆論本署閣督部堂視事之初綜稽案牘舉凡禁煙一切應辦之事歷經前大臣查照定章嚴飭所屬次第施行具有條理特恐事體繁重地廣人多其實力奉行得人斯理禁煙一事關繫而因循敷衍亦容有不自振作之人用特不憚煩言重申誥誡凡我僚屬須知治貴力行得人斯理禁煙一事關繫富強要政尤為今日急務不在形式而在精神必須盡力盡心始能挽積習而期實效願查禁之法固當先從官場辦起直屬文武大小各官雖已違章調驗取結列表詳咨有案尤在該管上司及各局各營各學堂監督統率之員隨時認真考查據實糾舉至士民人等勸導宜廣稽察宜精尤在地方牧令及巡警等官選任者賢邀集殷富多設善會妙擇良方務使已吸者及早掃除未吸者不再傳染間有年老身弱必須逐年遞減者尤當於運銷購食之時慎核牌照嚴查賬簿以絕私賣私買等弊至禁種罌粟實為治本之法並應隨時巡察逐畝調查一面相度土宜提倡農學勸令改種有益衣食植物化莠為良兼資生計不得但以永不再種等詞一稟一結空言塞責庶能以次廓清以副 國家為民除害去惡務盡之意當事各員如能恪守歷次 諭旨謹遵 會議政務處等各項章程董戒有方實行禁絕自當欽遵宣統元年二月二十四日 上諭考其成績優予獎勵倘於禁吸種及定章應行辦理各事宜陽奉陰違始勤終惰以及抗違藐玩容隱瞻徇各項情事其操切者又或假手丁胥致滋誣構詭案等弊一經訪查屬實輕則撤查重則叅辦從嚴懲儆決不姑寬為此通飭札到務即凜遵毋違切切特札

督憲那准察哈爾都統函京張鐵路不日到口請派員款待來賓等因札飭津海關道巡警總局遵辦文

為札飭事查接管卷內案准 察哈爾都統誠函開京張鐵路已逾宜郡旬月之間即可到此路係我國自辦工程為環球所注目聞開車禮成各國欽使及官商各界均有來口參觀慶賀之說屆時必須有人款待照料方足以盡主誼且路通後良莠不齊人類愈雜尤非有得力警察不足以資保護擬請屆時由尊處暫時酌派熟悉洋務警

察人員撥帶文武員役來口以便照料等因當經前部堂函覆所需隨同照料員弁飭由津海關道於洋務局員中酌派數人并行警察總局遴擇妥當員弁帶領得力巡丁二十名一俟函示定期即當飭令赴張以供任使等因移交到本署閣大臣准此除分行外合行札飭札到即便遵照此札

督憲那准郵傳部咨京漢鐵路三汊埠站長楊佩之違背行車定章傷斃人命發所習藝札飭保定府遵照文為札飭事宜統元年五月二十二日准 郵傳部咨鐵路總局案呈照得京漢鐵路於本年閏二月二十二日北上第三百十四號貨車與南下第三百零七號貨車在漢口三汊埠衝撞以致傷斃搭客一人受傷二人并有損壞車輛情事歷經本部嚴飭該路局派員澈查迭據稟稱當日失事情形實由三汊埠站長楊佩之違背行車定章所致實屬罪有應得當將情罪較輕之車首許居孟司機夏新發等分別斥革其楊佩之一犯已飭京漢路局解交保定府習藝所充當苦工一年半限前不准省釋以示懲儆除飭該局遵照外相應咨行貴督查照轉飭保定府俟解該犯到習藝所時遵照辦理可也等因到本署閣大臣准此合行札飭札到該府即便遵照俟該犯解到發所習藝具報此札

冀州祝牧蒞稟開辦自治研究所情形文並批

敬稟者竊卑職前奉自治總局札飭辦理自治學社嗣奉 明飭自治學社一律改名自治研究所等因蒙此竊維今之詬病自治者動謂民智未開程度不及夫羣聚無學識無練習之人衆訟一堂紛然淆瀆其不能得自治之條要適足以滋斯世口實固有由然然執此不經驗之行爲徒相疵議不思所以誘進而養成之則其重誣吾民也亦甚伏讀去年立憲 明詔現在九年預備之中則地方自治亦正居講習期成之候當經選派東游考察自治紳謝潤廷畢業自治學員王玉麟劉學熙李增錦等公同組織一面分飭勸學員分區選舉身家品望合格紳每區三人依限選送來城查城內無此寬大敷用房舍從事興築又無此財力祇有舊儒學衙門房屋倒塌略盡獨明倫堂巍然尙存稍加修葺堪以借作講堂外添修數室以備講員管理員居住惟學生齋舍需用孔多一時覓借無從附近兩廡地方寬大就其曠餘之處暫事棲止惟神人不可瀆居當將神牌龕座加高以示崇敬其開辦及經常費用先於州署因案折罰項下指數撥充業於四月初七日開課所有詳細章程暨學生名貫分別另摺繕呈 憲

鑒伏懇 大帥俯賜察核准予立案實爲公便專肅具稟敬請 勛安伏乞 垂鑒

督憲那 批稟冊均悉查自治研究所章程前經 憲政編查館奏定頒行通飭遵照辦理在案該牧摺開各條多與通行章程不符仰自治總局核飭更訂所需經費照章應由地方公款籌給今以罰款撥充殊屬不合並飭另行妥籌詳辦

文告錄要

督憲批示錄要○灤州官礦公司詳擬購炸藥等件請咨部核覆由 批據詳該公司擬由天津洋行向英德二國

訂購藥粉杏油銅帽藥綫等項是否該礦工應需確數候飭礦政調查局照章詳細查明具覆再行核辦○葉

道崇質稟請開去糧餉局坐辦差使由 批據稟該道辦理全省警務處保定工巡局常川駐保所請開去糧餉

局坐辦兼差應卽照准候行該局總辦張運司查照繳○北洋法政學堂詳別科學生郵傳部電政司學習郎中

黃永熙請免扣資俸由 批據詳已悉候將清冊咨送 郵傳部查照照章免扣資俸此繳

濤台牌示○委署東安縣訓導萬兆甲在籍經理新政總匯事宜繳委遺缺試用訓導靳曾培署理○元氏縣訓

導田邁卿病故遺缺委試用訓導田保昌署理

直隸警務處批示○安平縣高等警務畢業生王壯乾稟入研究所一案 批據稟已悉該生懇請入研究所一節

業由本處登冊存記俟有缺額再行傳補可也此批○束鹿縣商民趙東嶺稟巡警挾嫌苛罰一案 批稟悉究

係一面之詞未便核辦已札行該縣查明秉公辦理仰卽回籍聽候傳訊此批

保定工巡總局批示○王家莊村正副王雲福等具稟一案 批著傳諭王憲文趕緊醫治務痊赴案補充工作所

請罰金僱替未便遽准○肥鄉縣村正文生張承基等具稟一案 批據稟是否挾私圖洩捏詞妄讒著赴警務

處據實呈明聽候核辦可也

直隸籌款總局批示○具稟易州煙商宋臣林 批稟悉該商人承徵易州西山煙稅所餘欠款應卽迅速清交據

稱係該分局章委員等經手殊不可解仰候札飭章牧吳令查明清理具報勿延此批

附錄天津官事○藩台崔方伯昨日由省乘坐火車於晚六點鐘抵津住木公所

電報錄要

路透電○德京舉行自行車競走會時有電車一輛崩炸馳入人羣旋即起火坐客異常紛亂均躍至鐵軌之上計共焚斃四人傷三十一人

又電○波斯國新王年十三歲現在宣布登位典禮

又電○英皇在巴慶漢宮小宴日本久邇親王英儲君偕其夫人并堪納德(愛爾蘭西部)之阿爾索親王陪座柏林電○德皇現啓程赴那威北部各省遊歷

又電○英法俄德四國對於波斯亂事平靖甚爲滿意其亂事平靖之因係由俄兵退出波京俄國并照會列強謂波王雖在俄使署避難俄國決定不干預波國內政云

東京電○日本前任駐韓統監伊藤氏現由漢城行至馬關

又電○東京近日異常炎熱寒暑表於西七月十七日至九十五度

又電○韓國今年鐵道改良費現調查共八百十二萬元

新政紀聞

政治

飭查應否酌改自治章程○憲政編查館王大臣因此次奏頒各省之地方自治章程曾經聲明如有於各省地方風俗民情窒礙之處應准隨時將詳細情形咨覆以便酌量條改惟現在各省咨請修改者寥寥深恐未能實力奉行已於日前電致各省略云地方自治爲本年籌辦之要政應速飭知所屬詳細調查有無應行酌改之處迅即遵章辦理幸勿遷就遲延云

奏參知州審案錯謬○署督憲那中堂奏參前署開州知州捐升直隸試用道章靈於開州閩姓被劫事主被戕一案審訊錯謬以致民婦被誣氣閉身死請即行革職並請將民婦閩趙氏旌表一摺又以此案平反係由大名府錫齡阿首先舉發候補直隸州趙巽年隨同臬司審正聲明另案請獎已於五月二十九日奉 硃批著照所請辦理矣(原摺明日續錄)

札委審判籌備處人員○浙省審判籌備處前由督辦李廉訪暨會辦王伯安觀察租定竹竿卷張姓大廈一所擇期開辦現悉廉訪已將各科科长分別札委名單列下 叅事 知縣邱鴻文谷鍾秀 籌備科科长 知縣彭彝 法制科科长 通判經家齡 文牘科科长 知縣李長荃 會計科科长 同知祁蔭甲 收發科科长 鹽大使徐嵩慶其餘各課員尙未揭曉

學務

殖邊學堂續添蒙部生○京師內城關才胡同奏設殖邊學堂內現因新設講堂續招蒙部生二百名不論滿蒙京籍以十八歲至三十二歲身體強健中學俱有根柢准可報名入學時所試中文算術兩科錄取後取具圖片漢官印結繳納保證洋十元即許入學不收學費其膳宿各項皆歸自理凡願應考者務於六月十八十九二十等日赴該堂呈交相片並納報名費銅元四十枚填寫報名書云

小學舉行樂賢會○天津民立第一小學堂昨日發出公啓云敬啓者敝堂現須拆改齋舍所有星期一四六等日補習之國文算術兩科擬即停止以便興工惟各生在家每日須有兩三小時之溫習俾免曠廢是爲至要茲定於本月初九日舉行樂賢會一日屆期自上午八鐘起至下午五鐘止敬請本堂學生之父兄或家長不拘早晚務乞惠臨敝堂面談一切實深殷盼專此敬候公安

咨請考送法政學堂正科生○江南法政學堂現屆招考第二次正科生由甯提學咨請蘇提學遴選申送聞是科共分三班除官紳兩班外併添中學畢業生一班樊提學定期本月二十五日以前一律來轅報名二十七日考試併通飭各廳州縣勸學所如有志嚮學程度合格者務於暑假內申送到學以候攷驗

軍政

咨請保護退伍目兵○督憲准東督錫清帥咨開案據黑龍江倪翼長嗣冲呈請駐江陸軍步隊第一營此屆退伍目兵二百零二名核與定章相符當即批准在案查向章目兵退伍先期知照經過地方官加意照護以免滋生事端此次駐江陸軍第一營退伍目兵二百零二名籍隸直隸山東河南安徽等省所有經過沿途車站各該地方官自應妥爲照護免滋事端相應抄單備文咨貴部堂請煩查照轉飭一體知照望切施行

鄂軍訂期開辦營舖○湖北陸軍改良營舖由張統制新定籌款章程每日兵出洋二角於本月薪餉內扣留以便
及早開辦各軍士初頗不願當經四十二標易統帶再三開導刻由張統制訂期本月初旬定行開辦以圖公益
而慰軍心

抽練各路巡防營隊○湘撫岑堯帥面諭南路巡防隊統領飭於該隊中揀撥三隊並駐邵武中路巡防隊內酌抽
一隊歸併操練聽候調遣現在已將中路第十二隊南路第三第四第八等隊歸併候調所遺邵武防地應由中
路第三暨第十三隊撥槍填紮刻由該兩隊管帶會商酌撥槍勇擇要分填以資防守而重汛地

民事

提議派員調查紙煙專賣法○禁止紙煙一事提議已久皆以窒碍甚多未能施行現聞政府提議擬倣照日本由
官專賣之辦法並擬派員赴日本考查一切辦法以便參核變通辦理云

飭報順屬土店數目○近聞順天府凌大京兆因各屬寄售土膏店前曾札飭遵期停業在案迄今總未據報現又
通飭各州縣速將已停未停各舖號查明稟覆並將專賣各店字號家數一併詳報以憑備案查核

實業

農林中學招考新生○直隸省垣高等農學院附設農林中學招考廣告如下 資格無論本省外省以曾在高
等小學畢業或在中學修業一二年得有文憑者為合格 年限三年畢業 學費每月學膳費五元按季交納
書籍操衣在外 保證考取後先交保證金十元並取切實舖保或同鄉官保結 考期自六月初十日起至二
十日止各持文憑相片赴西關本堂報名二十五日考試國文二十六日考試科學 獎勵三年畢業其程度與
普通中學堂同考列最優等者作為拔貢優等者作為優貢中等者作為歲貢升入高等肄業不願升入高等者
最優等以州判分省補用優等以府經分省補用中等以主簿分省補用

蘇府勸業物產會六言韻示○西洋勸業大會 振興農工與商 徵集本地物產 蘇城先開會場 蘇府土產

不少 手藝素亦擅長 比較精粗美惡 實業更可發揚 賽會雖係西法 說來亦甚尋常 各處趕墟趕

集 意思可以比方 這番開會辦法 不過力求精詳 告示農工商業 各將貨物改良 賽來自知好醜

賣去又得銀洋 更有三種好處 奏獎文憑金章 定期七月初一 爾等切切勿忘 最是有益之事

大家仔細商量

北洋官報彙編

章程類三

中瑞通商條約

大清國

大皇帝 大瑞典國

大君主因欲堅定兩國誠實永久之睦誼及推廣兩國通商事宜決意訂立

友陸通商行船條約是以 大清國

大皇帝特派外務部左侍郎聯芳為全權大臣 大瑞典國

大君主

特派駐劄中華欽差大臣倭倫白為全權大臣各將所奉全權文憑校閱俱屬妥善議定各條如左

第一款 大清國

大皇帝 大瑞典國

大君主及兩國人民應如從前永遠和好益加親睦所有彼此兩

國僑居人民身命財產均應互相保護

第二款 大瑞典國

大君主可任便派一秉權大員駐紮北京 大清國

大皇帝可任便派一秉權大員

駐紮瑞典國都城彼此所派大員均應照各國公例得享一切權利並優例及應豁免利益並照相待最優之國

所派相等大員一體接待享受其本員及眷屬隨員人等並公署住處及來往公文書信等件均不得擾犯擅動

凡欲選用役員使丁通譯人及僕婢隨從等均准隨意僱募毫無阻攔 大瑞典國 大君主所派大員凡有

呈遞 國書或代遞 大瑞典國 大君主致 大清國 大皇帝之書即可隨時覲見 大清國 大

皇帝所派大員凡有呈遞 國書或代遞 大清國 大皇帝致 大瑞典國 大君主之書亦一律辦理

兩國接待彼此所派大員之禮儀均應按照平等之國所用者俾兩國彼此均不失體統所有來往文函瑞官所

發者應以英文作為正義華官所發者應以漢文作為正義

第三款 大瑞典國

大君主酌視瑞典國利益相關情形可設立總領事領事副領事及代理領事駐紮中國

已開或日後所開各通商地方 大清國

大皇帝亦可酌視中國利益相關情形設立總領事領事副領事

及代理領事駐紮瑞典國現准及日後准別國領事駐紮之處各領事等官彼此兩國官員均應以合宜之禮相

待其各領事應得分位職權及優例豁免利益均照駐紮國現時或日後相待最優之國相等官員一律享受惟

此等領事官奉派到任之日由駐紮該國京都之大臣知照該國外部即由外部允以按照公例發給認許文憑

交發此項文憑均不收費如該領事官辦事違背公例彼此均可將認許文憑收回其兩國未派領事官駐紮之處可各請友邦之領事官代爲料理凡無領事之處兩國地方官均應視訂約國之人民得享本約之利益

第四款 中國人民准赴瑞典各國各處地方往來運貨貿易瑞典國人民准赴中國已開或日後所開各通商地方往來運貨貿易兩國人民均准按照現行律例暨給與最優待國人民之優例在以上各地方從事商業工藝製作及別項合例事業貨買各項房屋爲居住貿易之用及租典地段起造房屋禮拜堂墳塋醫院並准僱用該處人民辦理合例事務地方官不加禁阻其一切優例豁免利益兩國均照現在及將來給與最優待國之人民一律無異

第五款 凡瑞典貨物運進中國或他國貨物由瑞典人民運進中國者又瑞典人民販賣中國貨物運出外洋或由中國運往瑞典者應納進出口稅悉照中國與各國現在及將來所訂之各稅則及稅則章程辦理所輸之進出口稅比相待最優國之人民運進出口相同貨物所輸之稅不得加多或有殊異其禁止進出口及應免稅各貨物亦照中國與各國現在及將來所訂稅則章程一律辦理 瑞典人民欲將運入中國之貨進售內地除納進口稅外願一次納子口稅以免沿途徵收及入內地採買中國土貨以備運出外洋除納出口稅外願一次納子口稅以抵沿途稅釐均可照中國與各國現行章程辦理所納之子口稅不得比最優待國之人民所納者或有加多其貨物由此通商口岸運彼通商口岸或在通商口岸暫存關棧或已進口之貨復運出口均照中國與各國現在通行章程或日後續議新章一律辦理 凡中國貨物運進瑞典國或他國貨物由中國人民運進瑞典國所納進口稅比最優待國之人民所納者不得加多或有殊異 中國通商各口官員凡有嚴防偷漏稅課之法任憑相度機宜設法辦理

第六款 瑞典國商船准赴中國已開或日後所開各通商口岸運貨貿易並准赴中國已准各國商船行駛之內港及准停泊之沿江各處卸載貨物各商惟須悉照中國訂定之各國通商章程辦理如瑞典船違章駛入中國未准通商之口岸及未准行駛停泊之內港或在沿海沿江各處私做買賣任從中國將船貨一併罰充入官 中國商船亦可赴瑞典國准別國商船行駛停泊之各港口往來貿易卸載貨客彼此兩國商船均照最優待國



蕪州馬仲橋公立第一初等小學堂

生產之後

能使柔弱婦人轉為強壯之大補藥即韋廉士大醫生紅色補丸是也試觀鎮江婦人所患之症業經十載今則竟為治愈而獲康健矣

諸多婦人生產之後每困於疾病纏綿之中皆因其全體精力消耗過甚以致血薄氣虧等症叢雜而生遂使身體腦筋軟弱無力矣大凡患產後血虧者皆知有內體疼痛背骨痠疼腦筋不安頭痛頭暈精神困疲各等之病狀韋廉士大醫生紅色補丸為醫治此等受苦婦人之至寶靈丹因其有補血之奇能而使其血潔淨稠紅得以療治內部且又與以新力使腦筋因之強健全體亦因之復原而獲康健之樂此外則更有使產婦多乳之功效也即如鎮江古大夫橋二十四號門牌開設蕭莊之金淦生君其妻嘗確證韋廉士大醫生紅色補丸為醫治婦人產後失調



金君淦之妻何氏得韋廉士大醫生紅色補丸奇妙之醫治

之聖藥茲據金君淦生來函云○余妻何氏現年三十有九歲十年前曾因生產而患疾病經血兩虧身體衰弱病勢日增後至不能起床雖嘗試服各藥莫能救治屈指十年之久受此困苦情形天癸愆期生育無望後有友人將韋廉士大醫生紅色補丸薦余妻服之且言此丸能治經水不調血薄氣虧以及各種重疾之奇方云余即由鎮江中英大藥房購得一瓶使余妻服之覺病體大有轉機即能起床操持家務爰接連服之迨數瓶後立見經水有調沉痾若失乃於去歲得舉一男余妻深感韋廉士大醫生紅色補丸之功無以為報惟有將此證書登諸報端聊伸謝悃云爾

韋廉士大醫生紅色補丸能醫治金君淦生之妻之疾病有如上文所言之奇功者即使其血潔淨有力並補益其腦筋之故也是丸常如此法從其血中經過已曾療治天下各處幾千萬人所患各症即如 血簿氣虧 諸虛百損 少年虧喪 陽萎不舉 胃不消化 肝經各病 頭痛目眩 山林瘴氣 左癱右瘓 腳氣衝心 風溼骨痛 腎骹痠痛 瘡疥疥疹 乾濕癬癩 以及皮膚諸症是也是丸又治男子操勞過度或吸煙成癮並一切不自珍攝所患之病立能復原小兒患病軟弱不長一服是丸即能精壯有力面色轉紅矣

韋廉士大醫生紅色補丸 中國各處商店凡經售西藥之處均有代售或直向上海九江路B字第八號韋廉士大醫生藥局總發行處購買亦可價銀每六瓶大洋八元每一瓶大洋一元五角 遠近郵費一律不取

商務印書館出版各書上海總發行所

中外政法要書

議員必讀

嚴又陵先生譯著

欽定大清會典十册 一元二角

憲政大綱 三册 三角

英文漢語 一元二角

欽定大清會典及事例十册 二元

各省諮議局章程彙釋 四册 四角

社會通論 一元

大清光緒新法令十册 一元

各省諮議局章程彙釋 四册 四角

訂正羣學肄言 一元

大清光緒新法令十册 一元

各省諮議局章程彙釋 四册 四角

孟德斯鳩法意六册 一元五角

大清光緒新法令十册 一元

各省諮議局章程彙釋 四册 四角

政治學 一元

大清光緒新法令十册 一元

各省諮議局章程彙釋 四册 四角

孟德斯鳩法意六册 一元五角

天津分館開設河北大胡同電話五百二十六號

天津商務印書館新書出版

警察講義 錄册十四

五元

各種雜誌 每月一册 每册一角

漢譯日本法大全 八册

廿五元

東方雜誌 每月一册 每册一角

漢譯日本法規大全 十册

一元五角

外交報 每月一册 每册一角

各種彩色地圖 四册

四元

日本富井政章 民法原論 一元二角

大清帝國全圖 一册

三元

日本清水澄 行政法泛論 一元二角

大清帝國全圖 一册

三元

日本土田金四郎 國債論 一元

大清帝國全圖 一册

三元

日本橫山雅男 統計通論 一元五角

大清帝國全圖 一册

三元

日本小泉又一 歐美教育實際 一元二角

大清帝國全圖 一册

三元

日本黑田日明 治學制沿革史 一元二角

大清帝國全圖 一册

三元

日本小泉又一 歐美教育實際 一元二角

新 啟 告廣司公限有灰洋



啓者本公司係承受唐山洋灰公司老廠另購外洋最新式機器旋客等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家柏林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尙有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北北京奉天大連烟台莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也



本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

瑞林祥元記 綢緞洋貨

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇啞厚呢京廣什貨俱全貨高價廉劃一不後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具



本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器磁藍 奇巧美術玩器 學界文房用品 旋行攜帶等件 精工製身物料 定織各色應既 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齊洋行謹啓

本國德亞協會總理稟稱本會設有游行幹事員其宗旨爲凡到德國之華人不諭久居暫住俾便介紹於華人德人之間交際親密可贊華人各得如其所求並可引投相宜廬所及照料飲食所需如欲研究何等學業其階級學科入學方法暨投考資格章程均可詳明指導以便學者如何預備若有願學各種美術者亦能介紹或擬入何等學舍均能代爲引進或參觀國家及自治團體所立之局所并各種工藝場擬著作何等報告頗可相助爲理更專爲華人演說華人有對德人演說亦可代爲照料總之不論何事以於中德兩國交誼益厚爲目的本會內設有招待處一所每星期一四點至六點由幹事員遣派專人在招待處款接來賓刻有人探詢本會會長前任駐滬總領事克納貝便悉最要者願請中國上等社會學生前來德國大學肄業爲此請貴領事函致華官俾得週知

直隸高等工業學堂添招本科及中學科學生廣告

一高等本科(分應用化學科機器科圖繪科)第一年第一學期(須有中學堂第五年級畢業文憑三年畢業照高等學堂畢業請獎)

二中學科中學第五年第一學期(須有中學第四學年第二學期修業文憑者) 中學第四年第一學期(須有中學第三學年第二學期修業文憑者) 中學堂第三年第一學期(須有中學第二學年第二學期修業文憑者) 中學第二年第一學期(須有中學第一學年第二學期修業文憑者)

三年齡(年在十五歲以上二十歲以下)

四學費(除伏假年假外每學期應納公砵平化寶銀拾兩並於入學前交納閱月照加公砵平化銀二兩)

五膳費(除伏假年假外在堂食兩餐者每學期應納公砵平化寶銀貳拾兩只食餐者減半其不在堂用餐者不收膳費閱月照加公砵化銀四兩)

六操衣書籍(按照學堂定章自備或納費由學堂代辦)

七報名(自六月初十日起至二十日止隨時赴本學堂報名並呈驗修業文憑相片聽候定期考試無文憑相片保證人者不收)

八校地(天津河北黃緯路實習工場對門直隸高等工業學堂)

九獎勵(高等本科畢業者照奏定高等學堂請獎中學科畢業者照奏定中等學堂請獎)

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 官商照顧頗加獎
 譽茲為推廣招徠起
 見自本年承印各
 項價目格外減讓以
 副官商雅意如蒙
 賜顧請至本局賬
 房面議可也

京奉鐵路局廣告

啓者本鐵路天津至北京又塘沽至胥各莊各段內應行剔換舊道木約
 有一萬八千餘根其餘各段約有三四萬根現擬投標出售如願購買每
 根出價值若干開列封在信封內寄交本局華收支處彙齊定期開標特
 此佈聞
 京奉鐵路局謹啓

大清銀行廣告

現奉 部飭展限付還國民捐款仍以原捐執照為憑統按前定章程辦
 理由本月開付限至本年年底為止
 天津大清銀行謹啓

直隸全省土稅現經度支部議定仍舊認

真辦理勿裁

前月柯遜帥議擬晉豫徐東皖直等省禁種商之大部停辦現經部議直
 省京津銷場最大查驗最煩畿輔腹地關係尤重直省土稅仍須照舊認
 真辦理不得裁撤刻已由遜帥飭知直省土稅局遵照矣

便宜祭幃出售

茲有庫緞杭甯摹本亮花大呢呢布東縐洋緞各色祭幃寄存估衣街勾
 德豐帽店出售貨色新鮮均照市價八折扣算 賜顧諸君請至該處購
 閱可也